



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ærumnæ D. N. Jesu Christi**

**Thomé <de Jesus>**

**Monachii, 1676**

Ad manum sinistram & dexteram.

[urn:nbn:de:hbz:466:1-45834](#)

figas cum ipso , & me finas otiosum, cùm sua divina Majestas sit plena doloribus ? O Domine animæ meæ ! cùm hæc sit vera sapientia tua , non me finas vivere in tenebris: illumina me in illa, & cùm videris me in occasione illam exercendi , non me finas tergum vertere. Recipe me in tuum deinceps , & non permitte *vera confosio-*  
*me recedere ab hac via, quam mihi ostendis. Da Domine tuas con-*  
*solationes his*, qui merentur, ac fideliter tibi serviunt ; mihi da *latus nostra*  
*tuum amorem*, & cum eo me crucifige , donec mutes me totum *sit amer*  
*per amorem*, ut non vivam , neque delecter , nisi patiendo prote.  
Volo , mi bone J e s u , parùm obire tuam crucem , ut aliquid mihi  
gratiæ facias ex quolibet dolore, quem tibi inferunt clavi.

*AD MANVM SINISTRAM.*

A Doro te , sacratissima manus , quæ condidisti cælum ac ter- *Solum cor*  
*ram* ; quæ semper suscepisti peccatores , & sustentasti omnes, à nobis  
qui cum amore reclinârunt in te caput : ut in te quiescerent. Jam, *Deus exigit;*  
Domine , quia hæc est prima , quæ affigitur , quia vicinior di-  
vino tuo amori , & inflammato cordi , ac proinde majorem quo-  
que experta dolorem ; præcipe , ut cum illa simul affigant impro-  
bum & miserabile cor meum. Recordare , Salvator animæ meæ,  
quòd non exigas aliud ab homine , quām ut præbeat tibi cor  
suum ; quia tantum in manu tua securum est. En hic meum, Je-  
su mi bone! accipe illud hâc manu , ut simul configatur cum ea  
in cruce , ac semper maneat illi affixum , ne possit unquam ab ea  
separari. O quanta erit felicitas mea , si illud acceperis ! ô quām  
ero beatus , ô vita cordis mei , si illud acceptaveris ! vides Domi- *In quo solus*  
*ne*, illud abire in mortem , si extra hanc manum fuerit : vides id *vivit.*  
pessum ire , si liberè tendat , quòd lubet. Accipe illud, alliga , configue  
tecum, ô mi JESU , & amor animæ meæ !

*AD MANVM DEXTERAM.*

A Doro te , sacratissima dextera Domini mei J e s u Christi. *In manus*  
*Tu es robur omnium debilium* : tu es illa , quæ distribuis the- *Domini fi-*  
*sauros* : tu illa , quæ monstras bona , & in quam intenti semper *ducia no-*  
*sunt oculi miserorum* , expectantes à te auxilium. Non amittit, *bra collo-*  
*bone J e s u* , potentiam ac vires tua manus divina , cùm sinis eam *corda.*

Rrr

affi-

affigi : imò assecurat confidentiam , quam habere debemus in ipsa. Confige cum ea , Domine , hanc miserabilem carnem , & flaccidam terram , tam timidam aliquid patiendi pro te , & tam animosam ad malum , ac debilem ad tua obsequia . Affige illam , Domine , cruci timore tuo : freno constringe ejus appetitus ac desideria : consume in ea legem contrariam spiritui & amori tuo : mortifica in ea gustus adversos cruci . In te , ac pro te vivat semper spiritus crucifixus , ut tota ejus malitia , mollities & miseria consumatur.

## AD SACROS PEDES CHRISTI.

*Pedes Crucifixi nos viam docent veritatem.*

**A**doro vos , ô sanctissimi pedes , fatigati multis itineribus pro me factis , qui portastis Dominum usque ad crucem , in qua propter me suffigimini. Corrige , Domine , errores , ac distorta itinera , quæ hactenus feci : duc me per viam veritatis & legis , quam docuisti. Cum his pedibus affige devios gressus meos , ut mihi condonentur. Confige simul desideria & affectus animæ , ne sedueantur per vanitates & peccata , sed sequantur semper vestigia pedum tuorum. Virtus hujus sanctissimi sanguinis decurrit per corpus meum & animam , ut me sanctificet ac purifict , mutet ac totum transformet in te. Exalta me simul tecum affixum in ista cruce , mi bone Iesu , nec sinas me develli ab ea , donec in me perficias , quæ in ea me docuisti ; ut mortificatus , & plenus amore tui faciam semper tuam voluntatem.

O Mater Dei sacratissima ! per illos dolores , qui penetrarunt cor tuum , quando audivisti ictus malleorum , quibus affigebantur manus ac pedes Unigeniti tui : impetra mihi ab eo , ut sim ei socius in cruce , nec ab eo unquam sejungar. O Curia cælestis , opus & factura plagarum istarum , adjuva hunc peccatorem , & impetra mihi à Domino , ut solùm his vulneribus , & in eis vivam super terram , cùm per ea tu regnes in cælo. Et quia gaudes fructibus horum sacratissimorum pedum , & manuum affixarum cruci , fac , ne illis caream , sed merito eorum obtineam societatem tuam , ad quam fui creatus. Amen.

EXER-

